



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU NAPREDNE DEMOKRATSKE STRANKE BIH

Broj: 03-07-6-349/18
Sarajevo, 20.05.2019. godine

S A D R Ź A J

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Napredne demokratske stranke BiH za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2017. godinu, utvrđeno je da je Napredna demokratska stranka BiH prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Napredne demokratske stranke BiH za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

U godišnjem finansijskom izvještaju Napredna demokratska stranka BiH nije iskazala prihode, što je vidljivo iz sledeće tabele:

R/B	Izvori finansiranja	Iznos (KM)	Struktura (%)
1.	Članarina	0,00	
2.	Prilozi fizičkih lica (3-a)	0,00	
3.	Prilozi pravnih lica (3-b)	0,00	
4.	Prihodi od imovine (3-c)	0,00	
5.	Prihodi od dobiti preduzeća u vlasništvu političke stranke (3-d)	0,00	
6.	Prihodi od poklona (3-e)	0,00	
7.	Prihodi iz budžeta (3-f)	0,00	
8.	Prihodi od propagande (3-g)	0,00	
I	Ukupni prihodi (1-8)	0,00	
II	Ostali prihodi i drugo	0,00	
	Izvori finansiranja (I+II)	0,00	

U godišnjem finansijskom izvještaju za 2017. godinu Napredna demokratska stranka BiH nije iskazala rashode.

2. PREDSTAVLJANJE POLITIČKE STRANKE

Naziv političke stranke: Napredna demokratska stranka BiH. Skraćeni naziv: NDS BiH.

Napredna demokratska stranka BiH upisana je u registar kod Općinskog suda u Sarajevu, rješenjem broj: 065-0-F1-12-000004 od 08.03.2012. godine. Rješenjem Općinskog suda u Sarajevu broj: 065-0-F1-15-000009 od 01.06.2015. godine, izvršena je promjena punog i skraćenog naziva stranke, sjedišta stranke i lica ovlaštenog za zastupanje stranke.

Sjedište političke stranke je u Ilidži, Mala aleja 40.

Lice ovlašteno za zastupanje stranke je Jasminka Viteškić, VD predsjednika.

Lice ovlašteno za finansijske izvještaje za 2017. godinu je Adnan Kozić.

U Finansijskom izvještaju (na obrascu 1) stranka je konstatovala da ima niže nivoe organizovanja, a u okviru organizacione strukture je navela samo OO NDS Ilidža.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Napredne demokratske stranke BiH za 2017. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Napredne demokratske stranke BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja Napredne demokratske stranke BiH za period od 2012. do 2016. godine, nakon čega su izdati izvještaji o pregledu sa mišljenjem revizora, nalazima revizije i preporukama revizije.

Nakon izvršenog pregleda godišnjeg finansijskog izvještaja za 2016. godinu, izdat je izvještaj o pregledu sa mišljenjem revizora, nalazima revizije i preporukama stranci da poslovne knjige uspostavi i vodi u skladu sa računovodstvenim propisima, da finansijske izvještaje koje podnosi Centralnoj izbornoj komisiji Bosne i Hercegovine dostavlja u skladu sa rokovima propisanim odredbama Zakona o finansiranju političkih stranaka i člana 15.1 stav (1) Izbornog zakona Bosne i Hercegovine i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2017. godinu, utvrđeno je da Napredna demokratska stranka BiH nije ispoštovala date preporuke.

5. NALAZI I PREPORUKE

5.1. NALAZI

Napredna demokratska stranka BiH prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Pregledom godišnjeg finansijskog izvještaja za 2017. godinu, utvrđeno je da Napredna demokratska stranka BiH nije vodila potpune evidencije o prihodima, rashodima i novčanim tokovima (gotovine), što je suprotno računovodstvenim propisima i odredbama člana 11. stav (1) i člana 12. stav (1) Zakona o finansiranju političkih stranaka.

Napredna demokratska stranka BiH nije popunila obrasce godišnjeg finansijskog izvještaja za 2017. godinu u skladu sa Pravilnikom o godišnjim finansijskim izvještajima političkih stranaka-u daljem tekstu: Pravilnik, čime je prekršila odredbe člana 12. stav (4) Zakona o finansiranju političkih stranaka.

Služba za reviziju je utvrdila da stranka nije iskazala podatke o ukupnim prihodima i ukupnim rashodima u godišnjem finansijskom izvještaju koji je dostavljen Centralnoj izbornoj komisiji Bosne i Hercegovine, odnosno u finansijskom izvještaju nisu iskazani prihodi a ni rashodi, iako su isti ostvareni i evidentirani u poslovnim knjigama i završnom računu za 2017. godinu.

- (1) Stranka u godišnjem finansijskom izvještaju koji je podnijela putem Aplikacije FI CIK BiH i u PDF formatu nije iskazala prihode, čime je prekršila je odredbe člana 13. i 19. Pravilnika o godišnjim finansijskim izvještajima političkih stranaka - u daljnjem tekstu: Pravilnik. Kontrolom prometa valutnih kartica sa transakcionog računa broj: 1941020089606125 kod Procredit banke utvrđene su uplate sredstava stranci iz budžeta Općine Ilidža u iznosu od 4.192,80 KM i uplata po osnovu povrata takse za ovjeru za učešće na Lokalnim izborim 2016. godine, u iznosu od 1.000,00 KM. Općina Ilidža osim iznosa uplaćenih sredstava budžeta, finansirala je troškove zakupnine u iznosu 1.082,40 KM, te je stranka ostvarila prihod iz budžeta Općine Ilidža u iznosu od 5.275,20 KM.

Stranka je u poslovnim knjigama evidentirala članarine u iznosu od 1.000,00 KM i prihode iz budžeta u iznosu od 5.275,20 KM, odnosno ukupne prihode u iznosu od 6.275,20 KM.

Povrat takse u iznosu od 1.000,00 KM u poslovnim knjigama pogrešno je evidentiran kao prihod od članarina, koje stranka nije ostvarila. U završnom računu, koji je podnijela nadležnoj agenciji, u skladu sa računovodstvenim propisima (Bilansu uspjeha) stranka je iskazala prihode u ukupnom iznosu od 6.275,20 KM.

- (2) Napredna demokratska stranka BiH nije na obrascima 4 (rashodi političke stranke) i 4.1 (režijsko-administrativni i ostali troškovi) godišnjeg finansijskog izvještaja iskazala rashode, iako je iste ostvarila u iznosu od 6.010,40 KM, čime je prekršila odredbe člana 21. i 22. Pravilnika.

Kontrolom poslovnih knjiga utvrđeno je da je stranka ostvarila troškove u ukupnom iznosu od 6.010,40 KM, koliko je iskazala i u završnom računu za 2017. godinu.

U poslovnim knjigama stranka je evidentirala sljedeće troškove: Kancelarijski materijal u iznosu od 69,00 KM, Utrošak ostalog materijala u iznosu od 475,00 KM, Utroška goriva i maziva u iznosu od 2.310,00 KM, Troškovi mobilnog telefona u iznosu od 30,00 KM, Reprezentacija u zemlji 584,00 KM, Troškovi raznih usluga u iznosu od 1.132,00 KM, Troškovi AFIP-FIA u iznosu od 70,00 KM, Troškovi parkinga u iznosu od 70,00 KM, Troškovi zakupa poslovnog prostora u iznosu od 1.082,40 KM, provizija banke u iznosu od 188,00 KM, što ukupno iznosi 6.010,40 KM.

- (3) Obrazac 2.1 (pregled stanja blagajne) godišnjeg finansijskog izvještaja nije popunjen u skladu sa odredbama člana 12. Pravilnika.

Stranka je na obrascu 2.1 (pregled stanja blagajne) godišnjeg finansijskog izvještaja iskazala podatke o prometu ostvarenom putem transakcionog računa, kako slijedi: početno stanje u iznosu od 17,86 KM, promet ulaza u iznosu od 5.192,80 KM, promet izlaza u iznosu od 5.148,00 KM i stanje na dan 31.12.2017. godine u iznosu od 62,66 KM.

Uvidom u poslovne knjige, utvrđeno je da je stranka na dan 01.01.2017. godine imala sredstva na blagajni u iznosu od 110,00 KM, promet ulaza u blagajnu iznosio je 220,00 KM, prometa izlaza iz blagajne nije bilo, dok je na dan 31.12.2017. iskazan saldo u iznosu od 330,00 KM.

5.2. PREPORUKE

Preporučuje se Naprednoj demokratskoj stranci BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da poslovne knjige uspostavi i vodi u skladu sa računovodstvenim propisima,*
- *da vodi potpune i tačne evidencije o svojim prihodima i rashodima i*

- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

U ostavljenom roku, Napredna demokratska stranka BiH nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2017. godinu.

Revizor

Nevenko Andan

Šef Službe za reviziju

Mr.sc. Hasida Gušić